

錦縣誌略(民國)
二

錦縣志卷之七

教育上

學宮

祀典

祀位

典禮

錦

縣

志

卷七目錄

中國海疆舊方志

教育

禮儀秩秩樂懸鏘鏘牆高數仞夫子之堂漢廷立學橫舍論經鴻都聽講虎觀蜚英書院肇
修鷺湖鹿洞新學大啓學校尤重教育國人諄諄提命今之報館古鄉校遺善則從之與論
勿違莘莘學子成山勿虧

教育

學宮

舊府儒學在府治西即明中左屯衛學宋元前無考明正統元年巡撫李公濟疏請創建成化己亥指揮白欽增修嘉靖丙寅巡撫魏學會鎮守王治道等重修江奎有碑記其事清康熙五年知府宋之鉉因舊制重修

大成殿三楹續修

啓聖祠一所東西廡各三楹明倫堂五楹十七年知府劉源溥重修戟門泮池等處二十三年知府孫成重修東西木坊二座四十年知府顧大位重修殿廡坊門等處五十年知府唐之夔教授何來似同捐修戟門泮池五十八年國子監祭酒尹泰偕知府馬鍾華知縣周廷槐教授閻九疇倡率紳士等捐修

錦

縣

志

卷七教育上

三

聖廟生員劉倬捐修照壁一座雍正元年追封

孔子五代爵改

啓聖祠爲

崇聖祠乾隆三十八年知府富察善等捐修殿廡四十二年知府阿敏等重修兩廡嘉慶三年知府阿永等捐貲重修同治十二年知府高同善博士單維模教授龐恭率紳士等捐貲拔貢生朱紹孔監工重修光緒三十年紳士李宗晟陸慶格劉本謙等重修照壁宮牆禮門義路等處民國元年紳士陸善格朱顯廷等捐資修葺一切四年知事朱佩蘭奉飭更換

至聖殿東西廡

崇聖祠各木牌奉祀員鄭廷柱經理

至聖殿 凡三楹

東廡 凡三楹

西廡 凡三楹

戟門 凡三楹在兩廡前東西耳門各一

泮池 在戟門外上有三橋並石欄下有井井有記勒石戟門東墻

櫺星門 在泮池前凡三排樓門皆柵欄

禮門 櫺星門外東門樓額曰禮門

義路 櫺星門西門樓額曰義路

照壁 在櫺星門外與宮墻連

下馬牌二座 一在禮門外一義路外

木坊二座 皆在宮牆前東坊額曰德配天地西坊額曰道冠古今

崇聖祠 凡三楹在正殿後偏東大門一座門外有字紙爐一座

更衣廳 凡五楹在正殿後東有月門

明倫堂 凡五楹在更衣廳後東有小耳門

尊經閣 凡樓三楹在正殿東宮牆外另有院東南隅角門一座民國二年紳士陸慶格

於閣西築平房二間守廟人住

名宦祠 凡三楹在泮池東南中祀清奉天府府尹朱軾奉天府府丞呂履恒

鄉賢祠 凡三楹在泮池西南中祀清醫閻先生賀欽

宮牆 週圍共計八十九丈

齋房 凡五間在西宮牆外學署院內

祀典

歷代

周魯哀公十六年夏四月己丑孔子卒公誅之曰吳天不弔不憖遺一老俾屏余一人以在

位堯舜余在疚嗚呼哀哉尼父無自律

左傳

漢封孔子九代孫騰爲奉祠君

闕里志

武帝元朔二年拜孔臧爲太常恩賜如三公禮

同上

元帝即位徵孔霸以帝師賜爵關內侯食邑八百戶號褒成君

漢書孔光傳

成帝綏和元年封孔吉爲殷紹嘉侯三月進爵爲公地百里

漢書本紀十

平帝元始元年封孔子後孔均爲褒成侯奉其祀追諡孔子曰褒成宣尼公

漢書本紀十二

後漢世祖建武五年封殷後孔安爲殷紹嘉公

後漢書本紀上

錦

縣

志

卷七教育上

五

十四年封孔子後志爲褒成侯

後漢書本紀一下

明帝永平二年郡縣道於學校皆祀聖師周公孔子牲以犬

續漢志禮儀四

和帝永元四年徙封孔損爲褒亭侯

後漢書儒林傳上

魏文帝黃初二年春正月以議郎孔羨爲宗聖侯

魏志本紀二

晉武帝泰始三年改封孔子二十三代孫宗聖侯孔震爲奉聖亭侯

文獻通考四十三

孝武帝太元十一年封孔靖之爲奉聖亭侯奉宣尼祀

晉書本紀九

宋文帝元嘉十九年詔奉聖之後可速議繼襲

宋書本紀五

梁武帝天監四年正月置五經博士各一人分遣博士祭酒巡州郡立學六月初立孔子廟

資治通鑑一百四十六

敬帝太平二年詔搜舉魯國之族以爲奉聖後

梁書本紀六

陳廢帝光大元年以兼從事中郎孔英哲爲奉聖亭侯奉孔子祀

陳書本紀四

北魏太祖天興四年二月丁亥命樂師入學習舞釋菜於先聖先師

魏書本紀二

顯祖皇興三年詔賜孔氏四人官

關里志

高祖延興二年詔有司祭孔子廟不聽婦女合雜以祈非望之福犯者以違制論

魏書本紀七

三年以孔子八世孫乘爲崇聖大夫

同上

太和十六年改謚宣尼曰文聖尼父告謚孔廟

魏書本紀七下

十九年改封孔子二十八葉孫珍爲崇聖侯

文獻通考四十三

二十一年賜田以養孔氏子孫

關里志

北齊文宣帝天保元年詔封崇聖侯邑一百戶以奉孔子之祀

北齊書本紀四

後齊制新立學必釋奠禮於先聖先師每歲春秋二仲常行其禮

隋書禮儀志九

帛

系

志

卷七教育上

六

二

北周宣帝大象二年三月追封孔子爲鄒國公並立後承襲

北周書本紀七

隋制國子寺每歲以四仲月上丁釋奠於先聖先師州郡學則以春秋仲月釋奠

隋書禮志九

文帝開皇時贈孔子爲先師尼父

闕里志

文帝仍舊封孔子後爲鄒國公煬帝改封爲紹聖侯

文獻通考四十三

唐高祖武德九年封孔子後爲褒聖侯

新唐書禮志十五

太宗貞觀二年左僕射房元齡等建議武德中詔釋奠於太學以周公爲先聖孔子配享臣

以爲周公尼父俱稱聖人庠序釋奠本緣夫子故晉宋梁陳及隋大業故事皆以孔子爲先

聖顏回爲先師歷代所行古今通允請停祭周公升孔子爲先聖以顏回配享從之

文獻通考四十

三

四年詔州縣學皆立孔子廟

新唐書禮志十五

十一年詔尊孔子爲宣父

同上

高宗永徽中復以周公爲先聖孔子爲先師

同上

顯慶二年太尉長孫無忌等議曰仲尼生衰周之末拯文喪之弊祖述堯舜憲章文武宏聖

教於六經闡儒風於千世故孟子稱生民以來一人而已自漢以來奕葉封侯崇奉其聖胡

可降茲上哲俯入先師今請改令從詔於義爲允

貞觀爲詔
永徽爲令

其周公仍依別禮配享武王詔

從之

文獻通考
四十三

三年詔先聖廟用宣和之舞

同上

乾封元年追贈孔子爲太師

同上

總章元年顏回贈太子少師曾參贈太子少保並配享孔子廟

同上

咸亨元年詔州縣皆營孔子廟

新唐書禮
樂志十五

錦

縣

志

卷七教育上

七

天授元年封孔子爲隆道公

文獻通考
四十三

神龍元年以鄒魯百戶封隆道公謚曰文宣

舊唐書禮儀
志二十四

睿宗太極元年加贈顏回太子太師曾參太子太保皆配享孔子

新唐書禮
樂志十五

元宗開元八年詔顏子等十哲宜爲坐像悉令從祀曾參大孝德冠同列特此塑像坐於十

哲之次因圖七十弟子及二十二賢於廟壁上以顏子亞聖親爲製贊書於石仍令當朝文

士分爲之贊題其壁焉

文獻通考
四十三

二十七年詔夫子既稱先聖可謚曰文宣王以其嗣爲文宣公任州長史代代勿絕先時孔

廟以周公南面夫子坐西墉下貞觀中廢周公祭而孔子位未改至是二京國子監天下州

縣夫子始皆南向以顏回配贈諸弟子爵

詳見新唐書
禮樂志十五

又勅兩京及兗州舊宅廟像宜改服袞冕其諸州縣廟宇既小但移南面不須改衣服

文獻
通考

二十八年詔春秋二仲上丁以三公攝事若會大祀則用仲丁州縣之祭上丁

新唐書禮樂志十五

德宗建中三年以文宣王三十七代孫齊賢爲兗州司功襲文宣公

舊唐書本紀十二

憲宗元和十四年以文宣王三十八代孫惟晤襲文宣王

文獻通考四十三

武宗會昌二年以文宣王三十九代孫榮爲國子監丞襲文宣王

同上

周廣順二年六月以文宣王四十三代孫前曲阜縣令仁玉復爲曲阜縣令仍賜緋魚袋

同上

宋初增修先聖及亞聖十哲塑像七十二賢及先儒二十一人皆畫像於東西牆之版壁太

祖親撰先聖及亞聖贊從祀先哲先儒並命當時文臣爲之贊

同上

太祖建隆三年詔廟門準令立戟十六枝

同上

乾德四年以文宣王四十四代陵廟王進士孔宜爲兗州曲阜縣主簿

同上